

periculo mortis [a], castrum post multas caedes ceperunt et destruxerunt. Duxerunt itaque captivos comitem Hugolinum Donigaliae [b] [c] Gigonem comitem [c] Bagnacalli, comitissam matrem Mayni Malvicini, et bene xxx milites [d]. Die autem illa, maximam Faventini habuerunt victoriam, licet cruentam.

De destructione Castelnovi et Limitalti [e] [B] (52).

CAP. XXXII.

Pactione conjuncti pestifera, castellani castri de Limithalto cum hominibus Castellum novi, ab iniquis suorum semitis visiorum contra Faventiam tempore multo non deviarunt [f]. Nam saepissime usque Runcum Ducis (53) facientes, si quos inveniebant, hostiliter pertractabant; quibus et cives pro factis dignas impendebant quandoque poenas. [g] Anno itaque Domini mcxxxvi, timentes sibi et suo castro, illi de Limithalto se transferre ceperunt in Castellum Novum, ut facilius inimicos [h] possent offendere. Faventini autem cum Imolensibus et aliis eorum amicis, Castellum Novum subito agredientes, post caedes [i] et vulnera multa [j] praeliando ceperunt; quod quidem castrum et castrum Limithalti penitus destruxerunt, ut, qui tempore multo [k] fuerant socii iniquitatis, in brevi essent participes destructionis.

De praelio apud Sanctum Petrum in Lacuna commisso.

CAP. XXXIII.

In diebus illis Petrus dux, Guilielmus Traversaria et alii milites Ravennates cum electis peditibus et sagittariis una cum comitibus et populo Cunii [c] anno Domini mcxxxvi, mense Junii in villa Sancti Petri in Lacuna [d] Faventinis insidias posuere; aestimantes illos ad colligendum messes more solito vagari per agros. Faventini vero, nequiam hostium comperientes, ipsos in insidiis positos subito aggredi properaverunt; quos post multos hinc inde raptos de medio, usque Cunium sunt persecuti prosternendo ac capiendo.

[a] obijciendo periculo mortis. C. V. In C. M., obijciendo periculo mortis. — [b] Hugolinum Donigaliae. In C. M., Ugolinum Donigaliae. — [c] Gigonem comitem. Sic Codd.; Gregor. Zucculus in Vers. Ital. habet Guidonem comitem. — [d] et bene xxx milites. Sic cum Cl. Mitt lego. Codd. V. et A. et Greg. Zucculus in sua Versione habet: et Bononienses xxx milites. — [e] Castelnovi et Limitalti, Codd. M. et V. In C. A., Castri novi et Limithalti. In C. M., modo Castellum novum, modo Castelnovum; item, modo Limitaltum, modo Limithaltum scribitur. — [f] non deviarunt, C. M. In C. A., deviare. — [g] quandoque poenas, C. V. In C. M., poenas deest. — [h] ut facilius inimicos, C. M. In C. V., pro facilius, est fortius. — [i] post caedes. Sic C. M.: alii legunt per caedes. — [j] et vulnera multa. Et supplevi ex C. A.; nam deerat in Codd. M. et V. — [k] tempore multo. Sic Cl. Mitt. legit. In C. V., tempore supradicto; in C. A., tempore malo.

[A] Donigallia erat castrum, non procul a Solarolo, sexto abhinc lapide.

[B] Loca in comitatu Imolensi.

[C] Cunii. Castrum olim ad ripam Sennii, eis Lugium duobus milliariis; nunc villa.

[D] Villa haec est, ad occasum Faventiae, quinto circiter lapide.